

Samningur

mennta- og menningarmálaráðuneytis
við Bridgesamband Íslands
um afmarkaða rekstrabætti.

Mennta- og menningarmálaráðuneyti, kt. 460269-2969, í samningi þessum nefnt ráðuneytið, og Bridgesamband Íslands kt. 480169 - 4769, gera með sér svofelldan samning.

1. Markmið og afmörkun verkefnis

Meginmarkmið með samningi þessum er að styrkja starfsemi Bridgesambands Íslands. Hlutverk þess er m.a. að efla mótahald, útbreiðslu og fræðslu í bridge á landsvísu, auka upplýsingagjöf um bridge og koma fram erlendis fyrir hönd bridgehreyfingarinnar.

2. Forsendur, lagaheimildir og lagaskyldur

- 2.1. Umræddur rekstur í samningi þessum fellur undir stefnu ráðherra í málaflokknum 18.4. íþróttir og æskulýðsmál sbr. 20. gr. laga um opinber fjármál nr. 123/2015.
- 2.2. Bridgesamband Íslands hefur kynnt sér lög og reglugerðir sem gilda um verkefnið og starfa samkvæmt þeim. Vakin er sérstök athygli samningshafa á eftirfarandi lagaákvæðum: Íþróttalög nr. 64/1998, lög um ríkisendurskoðun nr. 86/1997, sem fjalla um skyldur og heimild Ríkisendurskoðunar til að endurskoða og hafa eftirlit með samningnum og lög um opinber fjármál, nr. 123/2015.

3. Fjárhagsleg skuldbinding ráðuneytisins

3.1. Heildarskuldbinding

- Framlag ráðuneytisins til samningsins er 13 millj. kr.
- 3.2. Framlagið verður greitt þannig: Ráðuneytið greiðir Bridgesamband Íslands framlagið inn á bankareikning þeirra hjá viðskiptabanka í tólf jöfnum hlutum og er miðað við að greiða fyrsta dag hvers mánaða enda uppfylli Bridgesamband Íslands öll skilyrði og kröfur sem samningur þessi kveður á um.

4. Ábyrgð

- 4.1. Bridgesamband Íslands sér um og ber ábyrgð á að fjárfamlag fari til starfsemi sambandsins. Bridgesamband Íslands tekur að sér að tryggja fullnægjandi starfsemi í sambandi við alla þá þætti sem samningurinn nær til. Jafnframt skuldbindur það sig til að uppfylla öll þau skilyrði og kröfur sem samningurinn fjallar um.
- 4.2. Bridgesamband Íslands skal geta lagt fram gögn og skýrslur þessu til staðfestingar, sé eftir því leitað.
- 4.3. Bridgesamband Íslands ber ábyrgð á skuldbindingum sem það eða aðilar á þess vegum stofna til í tengslum við samning þennan.
- 4.4. Bridgesamband Íslands er óheimilt að:
 - 4.4.1. Afhenda, án skriflegs samþykkis ráðuneytisins, réttindi sín og skyldur samkvæmt samningi þessum í hendur þriðja aðila.
 - 4.4.2. Framselja greiðslur skv. samningi þessum til þriðja aðila og setja með öðrum hætti til tryggingar fjárskuldbindingu skv. 45. gr. laga um samningsverð nr. 75/1997.



5. Upplýsingar, samskipti og eftirlit vegna fjármála

- 5.1. Fyrir lok apríl skal Bridgesamband Íslands skila ráðuneytinu áætlun um rekstur og starfsáætlun yfirstandandi árs, þar sem fram komi m.a. hvernig áætlað er að ráðstafa framlaginu og helstu markmið sem unnið er eftir. Einnig skilar Bridgesambandið upplýsingum um ný verkefni eða breytingar sem kunna að verða á rekstri sambandsins á næsta starfsári.
- 5.2. Bridgesamband Íslands skilar ráðuneytinu greinargerð um framkvæmd samningsins og hvernig styrknum var ráðstafað skv. 3. gr. og endurskoðuðum ársreikning ársins á undan með skýringum, fyrir lok nóvember ár hvert og skal afrit jafnframt sent Ríkisendurskoðun.
- 5.3. Gera skal grein fyrir framlagi ríkisins í ársreikningi Bridgesambands Íslands. Ráðuneytinu er heimilt að birta gögnin á vef sínum.
- 5.4. Eigi Bridgesamband Íslands í viðskiptum við lögaðila sem það á eignarhluta í eða er í eigu fjárhagslegra tengdra aðila svo sem stjórnenda þess, eða annarra aðila, skulu þau fara fram á viðskiptalegum forsendum og gerð grein fyrir þeim í ársreikningi.

6. Upplýsingar, samskipti og eftirlit vegna verkefna

- 6.1. Ráðuneytið hefur eftirlit með framkvæmd samningsins
- 6.2. Ráðuneytið boðar fulltrúa Bridgesambands Íslands a.m.k. á einn formlegan fund á ári um framkvæmd samningsins.
- 6.3. Bridgesamband Íslands ber að skila ráðuneytinu upplýsingum sem það kallar eftir vegna eftirlits með framkvæmd samningsins og til opinberrar upplýsingagjafar.
- 6.4. Ráðuneyti hefur heimild til að gera sjálft eða fela öðrum að gera athuganir og úttektir á öllum eða einstaka þáttum í framkvæmd samningsins. Við eftirlit hefur ráðuneytið aðgang að gögnum, sem máli skipta, hjá Bridgesambandi Íslands.
- 6.5. Bridgesamband Íslands birtir með sýnilegum hætti á vef sínum samning þennan, ársreikning og er heimilit að birta hann án sundurliðana og greinargerð um framkvæmd samningsins sbr. grein 5.2. Gögnin skal birta jafnóðum og þau liggja fyrir. Ráðuneytinu er heimilt að birta þau jafnframt á vef sínum.

7. Vanefndir og meðferð ágreinings

- 7.1. Bridgesamband Íslands tilkynnir ráðuneytinu tafarlaust ef það telur vafa leika á um að það geti uppfyllt skyldur samkvæmt samningnum. Jafnframt greinir frá úrræðum sem það hyggst grípa til.
- 7.2. Ráðuneytinu er heimilt að fresta, draga úr eðastöðva greiðslur og endurkrefja um greiðslur uppfylli Bridgesamband Íslands ekki skyldur sínar samkvæmt samningi þessum.
- 7.3. Samningsaðilar munu leitast við að jafna ágreining, ef einhver er, sín á milli.
- 7.4. Dómsmál sem rísa kann út af samningi þessum skal rekið fyrir Héraðsdómi Reykjavíkur.

8. Gildistími

- 8.1. Samningurinn gildir frá 1. janúar 2017 til 31. desember 2017.
- 8.2. Hvor aðili um sig getur óskað eftir því að einstök ákvæði eða verkefni samningsins eða samningurinn í heild verði tekin til endurskoðunar séu færð fyrir því efnisleg rök. Endurskoðun skal þá hefjast svo fljótt sem verða má.
- 8.3. Óski annar hvor aðila eftir að segja samningnum upp skal það gert skriflega með þriggja mánaða fyrirvara.
- 8.4. Samningur þessi er gerður í tveimur samhljóða eintökum og heldur hvor samningsaðila eintaki.

Reykjavík, 24. apríl 2017

Kai Ólafsson
F. h. mennta- og menningarmálaráðherra

Jafet Ólafsson
Jafet Ólafsson
forseti Bridgesambands Íslands